

ԿՈՄՈՆԻՍՏԱԿԱՆ ՀԱՍԱՐԱԿԱԿԱՆ ԳԻՏԱԿՑՈՒԹՅԱՆ ՁԵՎԱՎՈՐՄԱՆ
ՄԻ ՔԱՆԻ ՀԱՐՑԵՐ

Մ. Մ. ՀԱԿՈԲՅԱՆ

Կոմունիստական հասարակական գիտակցության ձևավորումը որոշվում է նոր հասարակարգի տնտեսական ու սոցիալ-քաղաքական պայմաններով: Հայտնի է, որ հասարակական կյանքը բաժանվում է գործունեության երեք հիմնական ոլորտների՝ տնտեսական, սոցիալ-քաղաքական, և հոգևոր-գաղափարական:

Կոմունիզմի նյութատեսական բաղադրի ստեղծումը, կոմունիստական հասարակական հարաբերությունների ձևավորումը և նոր մարդու դաստիարակությունը՝ կոմունիստական շինարարության կարևոր խնդիրներն են: Այս պրոցեսի միասնությունը կայանում է նրանում, որ նյութատեսական բաղադրի ստեղծումը նախորդում է սոցիալիստական արտադրական և հասարակական հարաբերությունների վերափոխումը կոմունիստականի, որի բաղադրի վրա էլ տեղի են ունենում կոմունիստական հասարակական գիտակցության հաստատումը և զարգացումը, նոր մարդու ձևավորումը: Իր հերթին մասսաների կոմունիստական դաստիարակությունը հետագայում ազդեցություն է թողնում հասարակական կեցության վրա, արագացնում կոմունիզմի նյութատեսական բաղադրի ստեղծումը և նոր հասարակական հարաբերությունների ձևավորումը:

Կոմունիստական շինարարության խնդիրների մեջ թերևս ամենաբարդն ու ժամկետայինը կոմունիստական հասարակական գիտակցության ձևավորման, նոր մարդու դաստիարակության խնդիրն է:

Ներկայումս սովետական հասարակության հոգևոր կյանքում տեղի է ունենում սոցիալիստական գիտակցության վերածումը կոմունիստականի¹:

Կոմունիստական հասարակական գիտակցության ձևավորման և զարգացման պրոցեսը կատարվում է օրյեկտիվ և սուբյեկտիվ գործոնների ազդեցության ներքո, մի կողմից որպես կոմունիզմի նյութատեսական բաղադրի արտացոլում, մյուս կողմից՝ որպես կուսակցության, պետության, հասարակական կազմակերպությունների պրակտիկ գաղափարական դաստիարակչական աշխատանքի: Հասարակության հոգևոր աշխարհի հետագա զարգացման արդյունք: «Կոմունիստական հասարակությունը, — ասված է կուսակցության օրագրում, — ի տարբերություն բոլոր նախորդ սոցիալ-տնտեսական ֆորմացիաների, կազմավորվում է ոչ թե տարերայնորեն, այլ մարքս-լենինյան կու-

¹ Մարքսիստական դրականության մեջ կոմունիստական գիտակցություն հասկացությունը օգտագործվում է երկու իմաստով՝ լայն և նեղ: Լայն իմաստով՝ այն հասարակական գիտակցության սոցիալական և իմացաբանական նոր տիպ է, ամբողջ կոմունիստական հասարակա-տնտեսական ֆորմացիայի գիտակցությունը, որն սկսվել է ձևավորվել դեռևս բուրժուական հասարակարգի ընդերքում: Նեղ իմաստով՝ կոմունիստական ֆորմացիայի բարձրագույն փուլի գիտակցությունն է, «իսկապես» կոմունիստական գիտակցությունը:

սակցությունները կողմից ղեկավարվող ժողովրդական մասսաների գիտակցական և նպատակաւաց գործունեության շնորհիվ»²:

Կոմունիստական հասարակական գիտակցության ձևավորումը կատարվում է ամենից առաջ նոր մարդու ձևավորման հիման վրա:

Սոցիալիզմի և կոմունիզմի կառուցման ժամանակաշրջանում իրականանում է Կ. Մարքսի այն տեսական դրույթը, որ մարդիկ «իրենք իրենց վերափոխում են այն չափով, ինչ չափով նրանք նորոգում են հարստության այն աշխարհը, որը նրանք ստեղծում են»³:

Սոցիալիստական հեղափոխությունը մարդուն ազատագրում է շահագործողական հասարակարգի աղտեղություններից և պայմաններ ստեղծում նրա ազատ ու համակողմանի զարգացման համար: Սակայն նոր մարդու դաստիարակությունը չի ավարտվում սոցիալիզմի հաղթանակով: Միայն կոմունիզմի կառուցման ժամանակաշրջանում է, որ պայմաններ են ստեղծվում կոմունիստական հասարակական գիտակցության լրիվ հաղթանակի համար:

Սոցիալիստական և կոմունիստական գիտակցությունները՝ դրանք միատիպ գիտակցության երկու էտապներն են, որոնց միջև սկզբունքորեն գոյություն ունեն այնպիսի փոխհարաբերություններ, ինչպես կոմունիստական հասարակարգի երկու փուլերի միջև:

Կոմունիստական հասարակական գիտակցության ձևավորման պրոցեսը ավելի կոնկրետ բացահայտելու համար կանգ առնենք սոցիալիստական և կոմունիստական գիտակցության ընդհանուր և տարբերիչ գծերի վրա: Նախ՝ սրանք ոչ թե գիտակցության երկու տարբեր տիպեր են, այլ միևնույն տիպի երկու աստիճաններ, որոնք հանգես են զայիս որպես հասարակա-տնտեսական նոր ֆորմացիայի հասարակական կեցության արտացոլում՝ հենված ընդհանուր արտադրանքների, հանրային սեփականության, շահագործումից ազատ մարդկանց ընկերական համագործակցության և փոխօգնության վրա: Երկրորդ՝ նրանք ունեն ընդհանուր գաղափարական հիմք՝ մարքսիզմ-լենինիզմը: Սոցիալիստական և կոմունիստական գիտակցության գիտական բնույթը նրանց անհարիր են դարձնում ամեն տեսակի սնոտիալաշտության և մտածողության հակադիտական ձևերի նկատմամբ: Միաժամանակ սոցիալիստական և կոմունիստական գիտակցությունների տնտեսական, սոցիալական և հոգևոր ընդհանուր գծերը պայմանավորում են հասարակական գիտակցության ալդ երկու ձևերի համար այնպիսի հատկանիշներ, ինչպիսիք են՝ ինտերնացիոնալիզմը, սովետական հայրենասիրությունը, հումանիզմը, կոլեկտիվիզմը և հեղափոխական օպտիմիզմը: Կոմունիստական գիտակցության համար բնորոշ են նաև դործնականությունը, նպատակաւացությունը, տեսության անբակտելի կապը պրակտիկայի հետ:

Սոցիալիստական հասարակության հոգևոր կյանքի բնորոշ գծերից են սոցիալիստական հայրենասիրությունը և պրոլետարական ինտերնացիոնալիզմը:

² ՄՄԿԿ XXII համագումարի նյութերը, Հայպետհրատ, 1962 թ., էջ 569:

³ Из неопубликованных рукописей К. Маркса, журнал «Большевик», 1939 г., № 12—13, стр. 65:

⁴ Այս հարցի լուսաբանման առաջին անդրադարձել է ՄՍՀՄ ԳԱ թղթակից-անդամ Յ. Ա. Լեոնիդովը, տե՛ս «Диалектика формирования духовной жизни коммунистического общества», «Вопросы философии», 1964, № 43, стр. 64—68 և այլն:

Սովետական հայրենասիրությունը նոր տիպի հայրենասիրություն է, որը հիմնված է հայրենիքի հանդեպ սիրո և սոցիալիստական կարգերի, կոմունիստական կուսակցության քաղաքականության նկատմամբ նվիրվածության օրգանական միասնության վրա:

Կոմունիստական դիտակցության ինտերնացիոնալիզմը երկակի է: Նախ՝ նա ինտերնացիոնալ է իր ծագումով և բնույթով, երկրորդ՝ պրոլետարական ինտերնացիոնալիզմը կոմունիստական դիտակցության ներքին պահանջն է:

Կոմունիստական դիտակցությունը իր ոգով խորապես հումանիստական է: Բուրժուական դադափարասիրտությունը կեղծելով մարքսիզմի և կոմունիզմի հումանիստական բնույթը, փորձում են հումանիզմը հակադրել կոմունիզմին:

Նորահայտ «մարքսիստ» Ա. Կյունցլին իր «Ստարացված դրախտը» գրքում համաձայնեցնում, որ ՍՄԿԿ ծրագրում առաջ քաշված տնտեսական խնդիրները կլուծվեն, փորձում է դրանց հակադրել Մարքսի հայացքներին: Նա նշում է, որ ՍՍՀՄ-ի տեխնիկական առաջադիմությունը դառնում է ինքնանպատակ և աչք փոխի վրա «կորչում է Կ. Մարքսի հումանիստական հայացքների նշանակությունը»:

Կոմունիստական հումանիզմը որակապես տարբերվում է նախորդ հումանիստական հայացքներից, նա հաղթահարում է նրանց միակողմանիությունը և սահմանափակությունը:

Կոմունիստական դիտակցության մեջ առաջին անգամ իրականացվում է հասարակականի և անհատականի ներդաշնակ համակցումը: Նրան հատուկ է կոլեկտիվիզմը: Կոմունիստական դիտակցության մեջ իր լուծումն է գտնում անհատի և հասարակության՝ բաղադարյան կոնֆլիկտը: Ի հակադրություն բուրժուական լուսավորիչների «բանական էգոիզմի» էթիկայի, կոմունիստական դիտակցությունը ղեկավարվում է այն սկզբունքով, որ ճիշտ հասկացված հասարակական շահը, միաժամանակ հանդիսանում է անհատական շահ: Կոլեկտիվիզմը, որպես սոցիալիստական և կոմունիստական դիտակցության արտահայտություն, սկզբում հանդես է գալիս որպես պրոլետարական բարոյականության հիմնական հատկանիշներից մեկը: Սոցիալիստական հեղափոխության հաղթանակից հետո, կոլեկտիվիզմը պրոլետարական բարոյականության գլխավոր սկզբունքից վեր է ածվում ամբողջ հասարակության բարոյականության գլխավոր սկզբունքի և դրա հետ միասին զաղարում է միայն բարոյական լինելուց, դառնում է սոցիալիստական հասարակության հոգևոր կյանքի բնորոշ առանձնահատկություններից մեկը: Կոմունիզմի գեվիզն է «մարդը մարդուն բնկեր է, բարեկամ, և դրայր»:

Կոմունիստական դիտակցությունը իր բնույթով նաև օպտիմիստական է: Մեր օրերի բուրժուական դիտակցությանը, որին հատուկ է վախ՝ վաղվա նկատմամբ, հուսահատությունը և պեսիմիզմը, կոմունիստական աշխարհայացքը հույսագրում է օպտիմիզմ, կենսունակություն, հավատ մարդու և նրա ապագայի նկատմամբ:

Լրդի բուրժուական դիտակցության անհեռանկարությունը ստիպված են ընդունել նրա դադափարասիրտներից շատերը: Ու. Լիպպմանը «Նյուսուիկ» ամսագրում վերջերս գրել է, որ շատ ամերիկացիներ կորցրել են հավատը ազատ, դեմոկրատական հասարակության հիմնական սկզբունքների նկատմամբ. «Նի-հիլիզմի, օտարացման, էգոիզմի, վհատության, լքման տրամադրությունները»:

այս ամենը ցույց են տալիս Ամերիկյան հասարակության Դեմագոգիկ Նույսերի կրախը», — գրում է նա:

Ամերիկյան պրոֆեսոր լ. Խեյլբրոները, իր «Ապագան որպես պատմություն» գրքում հատուկ գլուխ է հատկացրել այդ հարցին, բազմանշանակորեն այն վերնագրելով «Ամերիկյան օպտիմիզմը փակուղու առաջ»:

Կոլումբիայի համալսարանի պրոֆեսոր Դ. Բելլը ավելի հեռու է գնում. նա իր «Գաղափարախոսության վախճան» գրքում ստիպված է խոստովանել, որ բուրժուական գաղափարախոսությունը, որ երբեմնի «գոյծողության ճանապարհ էր հանդիսանում, այժմ դարձել է մեռած փակուղի»: Նա գրում է, որ գաղափարախոսությունը կաբոլ է համախմբել և իր հտեկից տանել մարդկանց, եթե համապատասխանում է երեք պայմանների՝ 1. առաջ է քաշում պարզ գաղափարներ, 2. ճշմարտության հավակնություն ունի, 3. նշում է գործողության նպատակը և ուղին:

Այդ պայմանների պատասխանը տալիս են կոմունիստական գաղափարախոսությունը և աշխարհայացքը: ՄՄԿԿ ծրագրում նշված է, որ «բուրժուական ուսմունքները և դպրոցները չդիմացան պատմական ստուգմանը: Նրանք չկարողացան և չեն կարող դիտական պատասխան տալ կյանքի առաջ քաշած հարցերին»:

*

Մասսաների սոցիալիստական գիտակցությունը ձևավորվում է այնպիսի պայմաններում, երբ դեռ շարունակվում է սոցիալական հանուն սոցիալիզմի հաղթանակի, և այդ պատճառով նա անբաժանելիորեն տիրապետող չէ հասարակության հոգեոր կյանքում: Ճիշտ է, նա ներգրավվում է հասարակության մեծամասնությանը, սակայն շահագործողական դասակարգերի մնացորդները թշնամաբար են տրամադրված դեպի սոցիալիզմը և նրա գաղափարները: Սոցիալիստական գիտակցությունը դեռևս դասակարգային գիտակցություն է՝ բանվոր դասակարգի և կոլտնտեսային գյուղացիության գիտակցություն: Կոմունիստականը՝ գիտակցության զարգացման ուղղական նոր կտավ է: Սոցիալիզմի լրիվ և վերջնական հաղթանակից հետո նա աստիճանաբար դառնում է համաժողովրդական գիտակցություն: Եթե մասսաների սոցիալիստական գիտակցությունը սկսում է ծագել ու զարգանալ կապիտալիզմի ընդերքում, որպես բուրժուական գաղափարախոսության ուղղակի ժխտում, ապա կոմունիստական գիտակցությունը ձևավորվում է սոցիալիզմի հաղթանակի պայմաններում, սոցիալիզմից կոմունիզմին անցման էությունում, սոցիալիստական դադարափարախոսության հիմքերի ու սկզբունքների պահպանման և հետագա զարգացման հիման վրա:

Մասսաների կոմունիստական գիտակցության հիմքում ընկած է մարդկանց նոր վերաբերմունքը դեպի աշխատանքը, որպես առաջին կենսական պահանջի: Սակայն կոմունիզմի պայմաններում ոչ միայն փոխվում է մարդկանց վերաբերմունքը դեպի աշխատանքը, այլև նրանց արտադրական զոր-

⁵ The Nuwsweek, 23—X—67.

⁶ R. Hellbroner, The Future as History, New York, 1960, pp. 55—61.

⁷ D. Bell, The End of Idiocy, Glencow, 1960, p. 370.

⁸ ՄՄԿԿ XXII համագումարի նյութերը, Հայպետհրատ, 1962 թ., էջ 472.

ծունևության պրոցեսի բնույթը: Եթե մասսաների սոցիալիստական գիտակցությունը ձևավորվում է ֆիզիկական և մտավոր աշխատանքների միջև գոյություն ունեցող հակադրությունների պայմաններում, ապա կոմունիստական գիտակցությունը բնութագրվում է ֆիզիկական և մտավոր աշխատանքների միջև լական տարբերությունների վերացմամբ, ֆիզիկական և մտավոր աշխատանքների ներդաշնակ զուգորդմամբ:

Կոմունիստական գիտակցության համար բնութագրիչ է անձնական և հասարակական շահերի լրիվ ներդաշնակությունը: Կոմունիզմը նոր էջ է բացում անհատի և հասարակության փոխհարաբերությունների միջև: Սոցիալիստական հեղափոխությունը դնում է այդ նոր փոխհարաբերությունների սկիզբը, սակայն նրանց լրիվ ծագումը հնարավոր է միայն կոմունիզմի պայմաններում:

Սոցիալիզմի պայմաններում գեղեցիկ «մեծ» տարածություն գոյություն ունի հասարակական դադափարախոսության և հասարակական հոգևածության միջև: Հասարակական հոգևածության տրադիցիոն պահպանողականությունը սոցիալիզմի ժամանակ մեկ անգամից չի հաղթահարվում:

Մարդկանց գիտակցության վրա առանձնապես ճնշում է հին սովորույթների և տրադիցիաների բևուռը: Կ. Մարքսը պատկերավոր ձևով նկատում է. որ «բոլոր մեծած սերունդների տրադիցիաները, որպես մղձավանջ, ծանրանում են կենդանի սերունդների մտքերի վրա»⁹:

Այսպիսիք են սոցիալիստական և կոմունիստական հասարակական գիտակցության տարբերիչ մի քանի առանձնահատկությունները¹⁰: Հասկանալի է, որ որրան խորը ճանաչենք կոմունիստական գիտակցության գծերը, առանձնահատկությունները և դարգացման տենդենցները, այնքան ավելի հաջող կընթանա մասսաների կոմունիստական դաստիարակության գործը:

*

Կոմունիզմի կառուցման ընթացքում հանդես են գալիս կոմունիստական հասարակական գիտակցության ձևավորման և զարգացման մի շարք օրինաչափություններ: Մարքսիզմ-լենինիզմը սովորեցնում է, որ հասարակական գիտակցությունը ամենից առաջ հանդիսանում է հասարակական կեցության արտացոլումը: Այս ընդհանուր սոցիոլոգիական օրինաչափությունը գործում է նաև կոմունիստական ֆորմացիայի ձևավորման և զարգացման պայմաններում: Հայտնի է, որ սոցիալիզմի նյութական հիմքերը առաջանում են կապիտալիզմի պայմաններում: Սակայն սոցիալիզմը, որպես հասարակական-տնտեսական ֆորմացիա, չէր կարող ծագել կապիտալիզմի օրոք, որովհետև նա վերջին հաշիվով հանդիսանում է կապիտալիստական կարգերի բացասումը: Սոցիալիստական հեղափոխության հաղթանակից հետո դեռ մի որոշակի պատճառով ժամանակաշրջանում «ո՞վ-ում»-ի հարցը մնում է չլուծված, միայն սոցիալիզմի նյութատեխնիկական բազայի ստեղծումը՝ ինդուստրիալացումը, կոլեկտիվացումը և կուլտուրական հեղափոխությունը հիմք ծառայեցին կապի-

9 Կ. Մարքս, Ֆ. էնգելս, Ընտիր երկեր, հ. 1, էջ 281:

10 Կարծում ենք, որ ճիշտ է Վ. Վ. Փուրավլովը, երբ իր «Основные закономерности развития коммунистического общественного сознания» գրքում (էջ 104—105) նշում է, թե այսօր, երբ կոմունիստական հասարակարգի բարձրագույն փուլի ձևավորումը նոր է սկսվել, սոցիալիստական և կոմունիստական գիտակցությունների տարբերությունները հնարավոր է առանձնացնել միմիայն ամենաբնութանուր գծերով:

տալիզմի հանդեպ վճռական հաղթանակի համար: Սոցիալիզմի լրիվ և վերջնական հաղթանակից հետո մեր երկրում սկսվում է կոմունիզմի շինարարության էպոխան: Հասարակական կեցության այս երեք վիճակներին համապատասխան սոցիալիստական դիտակցությունը անցել է ծագման և զարգացման հետևյալ երեք հիմնական էտապները.

1. Մարքսիստական հեղափոխական դիտակցության ծագումն ու զարգացումը կապիտալիզմի պայմաններում:

2. Սոցիալիստական դիտակցության ձևավորումն ու զարգացումը ՍՍՀՄ-ում սոցիալիզմի նյութատեխնիկական բազայի կառուցման և նոր հասարակական հարաբերությունների հաղթանակի հետևանքով:

3. Կոմունիստական հասարակական դիտակցության առաջացումն ու ձևավորումը կոմունիզմի կառուցման պրոցեսում: Ժողովրդական մասսաները կոմունիստական դիտակցությունը ձևավորվում և զարգանում է ծագող կոմունիստական հասարակական կեցության, նոր հասարակական հարաբերությունների ամբողջ սիստեմի ակտիվ արտացոլման պրոցեսում: Գիտակցության զարգացման երեքին օրենքները գործում են միայն կոմունիստական հասարակական կեցության հիման վրա:

Կոմունիստական հասարակական դիտակցության հիմքում ընկած է կոմունիզմի նյութատեխնիկական բազան: Այն ձևավորվում և զարգանում է նոր հասարակական հարաբերությունների ողջ սիստեմի, առաջին հերթին, տնտեսական հարաբերությունների հիման վրա: Նրա ընդհանուր իմացարանական-օրինաչափության ուսումնասիրության ժամանակ (կեցությունն է որոշում դիտակցությունը) ուշադրություն է դրվում հասարակական կեցությունից, հասարակական դիտակցության ետ մնալու հարցը կոմունիզմի պայմաններում:

Կպահպանվի՞ արդյոք հասարակական կեցությունից հասարակական դիտակցության ետ մնալը կոմունիզմի օրոք: Անհրաժեշտ է տարբերել այդ հարցի երկու կողմերը՝ իմացաբանական և սոցիալական: Գիտակցության կեցությունից ետ մնալը պոլյություն է ունեցել բոլոր հասարակարգերի պայմաններում: Կոմունիզմի ժամանակ ևս հասարակական կեցության բոլոր կողմերը (առանձնապես գիտության և կուլտուրայի բուռն աճի պայմաններում) չեն կալոդ արտացոլվել մի անգամից, լրիվ և ադեկվատ: Հետևաբար, իմացաբանական իմաստով, դիտակցության ետ մնալը կեցությունից կպահպանվի նաև կոմունիզմի օրոք:

Հասարակական դիտակցությունը հասարակական կեցությունից ետ մնալու սոցիալական տեղեկները կապված է դաստիարակության հասարակության, ֆիզիկական և մտավոր աշխատանքների հակադրության հետ, այն կոմունիզմի օրոք, ըստ ամենայնի, դուրսվում չի ունենա: «Որքան ավելի բարձր է հասարակության անդամների դիտակցականությունը, այնքան ավելի լրիվ ու լայնորեն է ծավալվում նրանց ստեղծագործական ակտիվությունը կոմունիզմի նյութատեխնիկական բազայի ստեղծման, աշխատանքի կոմունիստական ձևերի և մարդկանց միջև նոր հարաբերությունների պարզացման մեջ և, հետևապես, այնքան ավելի արագորեն ու հաջողությամբ են լուծվում կոմունիզմի կառուցման խնդիրները»¹¹:

¹¹ ՍՄԿԿ XXII համագումարի նյութերը, Հայպետհրատ, 1962 թ., էջ 539:

Անհրաժեշտ է նշել, որ սոցիալիստական գիտակցության ձևավորումը և նրա փերաճումը կոմունիստականի, տարերային պրոցես չէ, որը պատկերվածն արտացոլում է մարդկանց գիտակցության մեջ նույնական կյանքի օբյեկտիվ պայմանները, այլ կուսակցության, սյետույթի ու հասարակական կազմակերպությունների սիստեմատիկ և նույնատեսակի գործունեության արդյունք է: Չի կարելի ճշգրիտ ժամկետներ նշանակել նոր պաշտպանների տարածման ու հաղթանակի համար, սակայն կարելի է, և պետք է ուղղություն տալ հասարակական գիտակցության դարգացմանը:

Կոմունիստական հասարակական գիտակցության ձևավորման և զարգացման ընդհանուր օրինաչափություններից մեկը, մարքս-լենինյան աշխարհայացքի տիրապետության հաստատումը և նրա անշղջ դարգացումն է՝ նոր տեսական պրոբլեմների ընդհանրացման հիման վրա: Պատմական զարգացման տարրեր աստիճաններում գիտակցությունը ձևավորվում է ոչ թե դատարկ տարածության մեջ, այլ հանդիսանում է նախորդ սերունդների նվաճումների օրինաչափ շարունակությունը: Կոմունիստական գիտակցության այնպիսի գծեր, ինչպիսիք են ժողովրդայնությունը, դեմոկրատիզմը, հումանիզմը, լավատեսությունը և այլն, նախորդ ֆորմացիաների հոգևոր կյանքի առաջադեմ կողմերի հետագա շարունակությունն ու դարդացումն են:

Մասսաների մեջ առաջավոր ու հետևողական մարքս-լենինյան աշխարհայացքի արմատավորումը կոմունիստական հասարակական գիտակցության ձևավորման կարևորագույն պայմանն է:

ՍՄԿԿ ծրագրում ասված է. «Սոցիալիզմի և կոմունիստական հասարակարգի կոոույնյան պայմաններում... առաջնակարգ նշանակություն է ստանում սովետական հասարակության բոլոր աշխատավորների գիտական աշխարհայացքի ձևավորումը մարքսիզմ-լենինիզմի, որպես փիլիսոփայական, տնտեսագիտական և սոցիալ-քաղաքական հայացքների մի ամբողջական ու կոո սիստեմի հիման վրա: Կուսակցությունը խնդիր է դնում ամբողջ բնակչությանը դաստիարակել գիտական կոմունիզմի ոգով, ձգտելով, որ աշխատավորները խորապես բմբոնեն համաշխարհային դարգացման ընթացքն ու հեռանկարները, ճիշտ հասկանան կրկրի ներքին և միջադգային ասպարեղի իրադարձությունները, գիտակցարար կոոուցեն կյանքը կոմունիստական ձևով»¹²:

Աշխատավորների գիտական աշխարհայացքի ձևավորման գործում հսկայական դեր է խաղում քաղաքական ուսուցումը, որը մեր երկրում վեր է ածվել մասսաների դադափարական-տեսական կրթության համաժողովրդական համալսարանի: Սովետական մարդկանց զաղափարական կոփման հիմքում ընկած են Կ. Մարքսի, Ֆ. էնգելսի, Վ. Ի. Լենինի աշխատությունները, ՍՄԿԿ ծրագիրը, մեր կուսակցության փաստաթղթերը: Սովետական իշխանության տարիներին Վ. Ի. Լենինի աշխատությունները ՍՍՀՄ-ում լույս են տեսել 330 մլն. 691 հաղար, Մարքսի և էնգելսի աշխատությունները՝ 83 մլն. 788 հաղար օրինակ տպարանակով: Գիտական աշխարհայացքի ձևավորման, կոմունիստական կուլտուրայի և բարոյականության համար հսկայական նշանակություն ունի գրքերի, ամսագրերի, թերթերի հրատարակությունը: 1918—1966 թթ. ՍՍՀՄ-ում լույս է տեսել 31 միլիարդ օրինակ գիրք, իսկ ամսագրերի տիրաժը 1913 թ. համեմատ ավելացել է 17, թերթերինը՝ 34 անգամ¹³:

¹² Նույն տեղում, էջ 540—541:

¹³ «Страна Советов за 50 лет», стр. 290, М., 1967.

Որոշնք են կոմունիստական գաղափարախոսության առանձնահատկությունները:

1. Կոմունիստական գաղափարախոսությունը գիտական գաղափարախոսություն է, այն ճիշտ է բացատրում հասարակական կյանքի զարգացման երևույթները և նշում է մարգկության հետագա առաջընթացի ուղիները:

2. Կոմունիստական գաղափարախոսությունը, որպես բանվոր դասակարգի գաղափարախոսություն, արտահայտում է բոլոր աշխատավորների շահերը: Միայն բանվոր դասակարգի գիտական և հեղափոխական գաղափարախոսությունը կարող է դառնալ և իրոք դառնում է համաժողովրդական գաղափարախոսություն:

3. Կոմունիստական հասարակական գիտակցության ձևավորման վճռական պայմաններից մեկը կոմունիստական կուսակցության ղեկավարությունն է: Եթե մարքսիզմ-լենինիզմը կոմունիստական հասարակական գիտակցության ձևավորման տեսական հիմքն է, ապա ՍՄԿԿ քաղաքականությունը նրա գաղափարական միասնության գլխավոր պայմանն է:

Եթե բուրժուական հասարակության պայմաններում և, անգամ, կապիտալիզմից սոցիալիզմին անցման էպոխայում մարքս-լենինյան գաղափարախոսությունը հիմնականում պրոլետարական է, ապա սոցիալիզմի լրիվ և վերջնական հաղթանակի պայմաններում նա դառնում է համաժողովրդական գաղափարախոսություն, հանդիսանում նրա սոցիալ-քաղաքական ու գաղափարական միասնության մարմնավորումը:

Կոմունիստական հասարակարգի պայմաններում գաղափարախոսությունը կդառնա հասարակության բոլոր անգամների շահերի կոնցենտրացված տեսական արտահայտությունը:

Կոմունիստական հասարակական գիտակցության ձևավորման և զարգացման գլխավոր օրինաչափություններից մեկը անհաշտ սլաքաբան է բուրժուական գաղափարախոսության դեմ: Աշխատավոր մասսաների կոմունիստական դաստիարակության պրոցեսը ընթանում է երկու աշխարհների գաղափարական պայքարի պայմաններում, կապիտալիզմի քաղաքական, ռազմական և գաղափարական դիմադրության իրադրության մեջ: Սոցիալիզմի կառուցման ընթացքում ժողովրդական մասսաների գիտակցության մեջ տեղի է ունենում հեղաշրջում, իսկ սոցիալիզմի հաղթանակով հաստատվում է ամբողջ հասարակության միասնական սոցիալիստական գաղափարախոսություն: Բայց սոցիալիզմի հաղթանակից հետո էլ մարդկանց գիտակցության և վարքագծի մեջ պահպանվում են կապիտալիզմի մնացուկներ, որոնք խանգարում են կոմունիզմի առաջընթացին:

4. Մարքսը գրում է, որ սոցիալիզմը «...Բոլոր տեսակներից, թե տնտեսական, թե բարոյական, թե մտավոր, գեռ կրում է իր վրա այն հասարակության դրոշմը, որի ընդերքից նա դուրս է եկել»¹⁴:

Կոմունիզմի կառուցման շրջանում պայքարը բուրժուական գաղափարախոսության դեմ մտնում է նոր փուլ: Այս տեսակետից հատկանշական է ամերիկյան սենատոր Սպարկմենի հայտարարությունը. «Սովետական Միության վիճակի փոփոխությունը, — գրում է նա, — հնարավոր է միայն որպես ներքին էվոլյուցիայի արդյունք: Այն բանի համար, որ այն դառնա իրականություն,

14 4. Մ ա թ ս և Ֆ. է ն գ ե լ ս, Լենինը ծրագր, հ. 2, էջ 17:

անհրաժեշտ է մեր գաղափարական ներգործությունը սովետական մարդկանց վրա»¹⁵։

Սակայն իմպերիալիզմի դադափարախոսությունը կանգնած է չուրջ ղժվարությունների առաջ։

ՍՄԿԿ Կենտկոմի ասլրիլյան պլենումի (1968 թ.) որոշման մեջ նշված է. «...սլատմական դարգացման ժամանակակից էտապը բնութագրվում է կապիտալիզմի և սոցիալիզմի միջև դադափարական պայքարի սրմամբ», «...կրելով լուրջ ցնցումներ և խոշոր ձախողումներ ներքին և արտաքին քաղաքականության մեջ, իմպերիալիզմը, և ռոաջին հերթին ԱՄՆ-ի իմպերիալիզմը, ռազմական, քաղաքական բնագավառում ավանտյուրանների դիմելուց բացի ավելի ու ավելի մեծ ջանքեր է դործուդրում սոցիալիստական երկրների կոմունիստական և ամբողջ դեմոկրատական շարժման դեմ քաղաքական ու դադափարական րայքայիլ պայքար մղելու համար»։

Արդի դադափարական պայքարում իմպերիալիզմը հատուկ հույսեր է կապում սոցիալիստական երկրներում մարքիզմի դադափարախոսության ներքին քայքայման, «էրոդիւլյի» հետ։ Հակակոմունիզմի մի շարք տեսաբաններ՝ Ու. Ռոստոուն, Ռ. Արոնը, Ֆ. Պերրուն, Պ. Սորոկինը, Ա. Շլիդինգերը (կրտսեր), հանդես են գալիս սոցիալիստական և բուրժուական դադափարախոսությունների «հաշտեցման» կոչերով, հայտարարում սոցիալիզմ և կապիտալիզմ հասկացությունները «հնացած»։

Արդի կապիտալիզմի դադափարական կյանքում ամենից ավելի մոդայիկը «միասնական ինդուստրիալ հասարակության» կոնցեպցիան է։ 1960 թ. հրատարակվեց Ու. Ռոստոուի «Տնտեսական վերելքի ստագիաները» գիրքը, որը միաժամանակ կրում էր «Ոչ կոմունիստական մանիֆեստ» հավակնոտ ենթավերնագիրը¹⁶։ Գրքի նպատակն էր հերքել հասարակատնտեսական ֆորմացիաների մասին մարքս-լենինյան աշխարհայացքը, նրան փոխարինելով «ստագիաների տեսությամբ»։

Նշված, ինչպես նաև «կամուրջների միակցման», կապիտալիզմի և սոցիալիզմի «կոնվերգենցիայի» և այլ տեսությունների նպատակն է փրկել բուրժուական դադափարախոսությունը վերջնական փլուզումից, հակադրվել բանվոր դասակարգի հեղափոխական պայքարի տեսությանը, սոցիալիզմը տարրալուծել կապիտալիզմի մեջ։

Մեկանում բուրժուական դադափարախոսությունը պարարտ Պոդ է գտնում հակահասարակական տարրերի, բնակչության հետամնաց և անգիտակից մասի շրջանում, այն արտահայտվում է մարդկանց գիտակցության մեջ կապիտալիզմի մնացուկների ձևով։

Վ. Ի. Լենինը նշել է, որ «եթե մահանում է հին հասարակությունը, նրա դիակը չի կարելի ամփոփել դադաղի մեջ և դնել գերեզման։ Նա քայքայվում է մեր միջավայրում, ալդ դիակը նեխում և վարակում է մեզ»¹⁷։

Սոցիալիզմի օրոք բուրժուական գիտակցության մնացուկները դրկված են իրենց ամբուլությունից, սիստեմավորված ձևից, նրանք գոյություն ունեն միայն տարերայնորեն, կոնֆլիկտի մեջ մտնելով կյանքի հետ։ Սովետական մարդկանց գիտակցության և վարքագծի մեջ կապիտալիզմի մնացուկների պահ-

¹⁵ «Правда», 11 апреля, 1968 г.

¹⁶ W. Rostow, The Stages of Economic Growth. A Non-Communist manifesto. Cambridge, 1960.

¹⁷ Վ. Ի. Լենին, Տ. 27, էջ 540։

պանման հարցում կան կարծիքներ, որոնց հետ չի կարելի համաձայնվել: Նրանցից մեկը՝ կապիտալիզմի մնացուկների առկայությունը բացատրում է սոցիալիզմի ընույթով, նրա բաշխման եղանակով, նյութական շահագրգռվածության սկզբունքով, ապրանքա-դրամական հարաբերություններով, աշխատավորների մի մասի ունեցած օժանդակ տնտեսությունների գոյությամբ¹⁸: Մյուսը այդ բանը տեսնում է հասարակական կեցությունից հասարակական գիտակցության ետ մնալու մեջ¹⁹, մինչդեռ կապիտալիզմի մնացուկների պահպանումը պետք է բացատրել ընդհանուր և մասնավոր, օբյեկտիվ և սուբյեկտիվ բազմաթիվ պատճառներով: Կապիտալիստական շրջապատը և կեցությունից գիտության ետ մնալը ընդհանուր նախադրյալներ են, որոնցից բացի յուրաքանչյուր առանձին դեպքում կապիտալիզմի այս կամ այն մնացուկի առկայությունը բացատրվում է որոշակի պատճառներով, արտադրողական ուժերի զարգացման անբավարար մակարդակով, կապիտալիզմից մնացած սոցիալ-տնտեսական կարգի մնացուկներով, հասարակական հոգեբանության պահպանողականությամբ, ամբողջ հասարակության հասարակական գիտակցության և որոշ մարդկանց անհատական գիտակցության հակադրությամբ, մեր գաղափարական աշխատանքներում տեղ գտած թերություններով, սուբյեկտիվիզմով, վարչարարությամբ և այլն:

Այսպիսիք են կոմունիստական հասարակական գիտակցության ձևավորման և զարգացման մի քանի օրինաչափությունները:

НЕКОТОРЫЕ ВОПРОСЫ ФОРМИРОВАНИЯ КОММУНИСТИЧЕСКОГО ОБЩЕСТВЕННОГО СОЗНАНИЯ

М. М. АКОПЯН

Р е з ю м е

В период развертывания коммунистического строительства происходит формирование коммунистического сознания.

В статье указывается, что формирование коммунистического сознания и воспитание нового человека являются одной из важнейших задач строительства коммунизма. Формирование коммунистического сознания определяется экономическими и социально-политическими условиями нового общества.

В статье подробно рассматриваются некоторые закономерности формирования и развития коммунистического общественного сознания, в частности действие общесоциологической закономерности отражения общественного бытия общественным сознанием и его особенности при коммунизме, значение определяющей роли марксистско-ленинской теории в деле формирования коммунистического сознания.

В статье подробно говорится также о значении непримиримой борьбы против буржуазной идеологии, как о важной закономерности формирования и развития коммунистического сознания.

¹⁸ С. К о в а л е в. Пережитки капитализма в сознании людей при социализме, журнал «Коммунист», 1957 г., № 3; В. С. О р л о в, Субъект преступления, М., Юридат, 1958 г.

¹⁹ Пережитки прошлого в сознании советских людей, БСЭ, т. 32, стр. 409—410.